

Bosna i Hercegovina
FEDERACIJA BOSNE I HERCEGOVINE
FEDERALNO TUŽILAŠTVO
FEDERACIJE BOSNE I HERCEGOVINE
SARAJEVO
Broj: A-90/05
Sarajevo, 25.02.2005. godine

Kantonalno tužilaštvo Unsko-Sanskog kantona Bihać
Kantonalno tužilaštvo Zeničko-Dobojskog kantona Zenica
Kantonalno tužilaštvo Srednjobosanskog kantona Travnik
Kantonalno tužiteljstvo Hercegovačko-Neretvanskog kantona Mostar
Kantonalno tužiteljstvo Zapadnohercegovačkog kantona Široki Brijeg
Kantonalno tužilaštvo Kantona Sarajevo Sarajevo
Kantonalno tužilaštvo Tuzlanskog kantona Tuzla
Kantonalno tužilaštvo Kantona 10 Livno
Kantonalno tužiteljstvo Posavskog kantona Orašje
Kantonalno tužilaštvo Bosansko-Podrinjskog kantona Goražde

Na osnovu člana 20 Zakona o Federalnom tužilaštvu Federacije Bosne i Hercegovine ("Službene novine Federacije Bosne i Hercegovine", broj: 42/02 i 19/03), a u cilju obezbjeđenja jedinstvenog i sveobuhvatnog praćenja rada i redovitog i ažurnog vođenja evidencija u krivičnim predmetima iz glave XVII KZ BiH, federalni tužilac – federalni tužitelj, izdaje

Obavezno uputstvo

1. Sva kantonalna tužilaštva dužna su voditi evidencije o krivičnim djelima protiv čovječnosti i vrijednosti zaštićenih međunarodnim pravom (glava XVII KZ Bosne i Hercegovine) i o tome izvještavati Federalno tužilaštvo-Federalno tužiteljstvo popunjavanjem i dostavljanjem sljedećih tabela:

- a) **Tabela RZ-1** – Tabelarni pregled krivičnih djela iz glave XVII KZ Bosne i Hercegovine za period 1992. – 2005. godine,
- b) **Tabela RZ-2** – Podaci o rješavanju predmeta u toku mjeseca.

c) Tabela RZ-3 – Podaci o broju osoba, prema standardnim oznakama, za koje je data saglasnost MSRZ u Hagu i o broju izrečenih presuda.

2. U tabelu označenu kao RZ-1 – Tabela pregled krivičnih djela iz glave XVII KZ Bosne i Hercegovine unose se podaci za period 1992. godine do sada (tj. do dana popunjavanja ove tabele), na sljedeći način:

- U rubrici 1 iznose se podaci o broju krivičnih prijava (pod 1) te broj prijavljenih osoba (2);
- U rubrici broj 2 unosi se broj podnesenih zahtjeva za sprovođenje istrage (1) te broj osoba protiv kojih je stavljen zahtjev za sprovođenje istrage (2);
- U rubriku broj 3 unose se podaci o broju predmeta upućenih MSRZ u Hagu, sa kojima tužilaštvo raspolaže (1) kao i broj osoba na koje se odnosi ova korespondencija (2);
- U rubriku broj 4 unosi se broj predmeta koje je tužilaštvo primilo nakon ocjene Ureda tužioca pri MSRZ i za koje je data saglasnost (1) te i broj osoba za koje je data saglasnost (2), a zatim treba prikazati taj broj prema standardnim oznakama (A, B, C...);
- U rubrici broj 5 treba prikazati broj odluka koje je prema ranijoj nadležnosti donio istražni sudija, a po zahtjevu za sprovođenje istrage (1) kao i broj osoba obuhvaćenih tim odlukama (2);
- U rubrici broj 6 prikazuju se podaci o broju izdatih naredbi nadležnog tužioca o sprovođenju istrage, a nakon stupanja na snagu novih zakonskih propisa kojima je sprovođenje istrage dato u nadležnost tužilaštvima (1) te i broj osoba na koje se odnosi naredba tužioca (2);
- U sljedećoj rubrici broj 7 – unosi se broj podignutih optužnica za cijeli period (1992.-2005.) (1), kao i broj optuženih osoba (2);
- U rubrici broj 8 iskazuje se broj odluka o određivanju pritvora (1) te i broj osoba za koje je određen pritvor (2);

- U rubrici broj 9 prikazuje se broj predmeta koji su procesuirani kod suda, a nakon podizanja optužnice (1) te broj osoba protiv kojih se vodi postupak (2);
- U rubrici broj 10 iskazuje se broj izrečenih presuda (1) broj osoba prema kojima su izrečene presude (2), broj žalbi na donijete presude (3), broj pravosnažnih presuda (4), zatim broj osuđujućih (5), oslobađajućih (6) i odbijajućih presuda (7);
- U rubrici broj 11 iskazuje se ukupan broj neriješenih krivičnih prijava (1) i broj osoba (2) i
- U rubrici broj 12 iskazuje se broj neriješenih istraga na dan popunjavanja tabele (1) te i broj osoba (2).

3. U tabelu označenu kao RZ- 2 – Podaci o rješavanju predmeta u toku mjeseca unose se pokazatelji o radu na ovim predmetima za protekli mjesec.

U rubrici broj 2 prikazuje se broj novoprimljenih predmeta u toku proteklog mjeseca (1) te na koliko osoba se odnose ti predmeti.

U rubrici broj 3 iskazuje se ukupan broj predmeta u radu, što znači da treba dati zbir neriješenih predmeta koliko ih je prikazano u prethodnoj tabeli i tome dodati broj predmeta primljenih u rad u toku proteklog mjeseca (1). Na isti način treba iskazati i broj osoba (2).

U rubrikama broj: 4,5 i 6 iznose se podaci o broju riješenih predmeta u toku proteklog mjeseca, s tim da se posebno istakne koliko je predmeta riješeno podizanjem optužnice i za koliko osoba (4), te da li je bilo ustupanja predmeta drugom tužilaštvu na nadležnost (5) te i broj predmeta riješenih na drugi način (obustavom).

U rubrici broj: 7 treba prikazati broj predmeta koji su u toku proteklog mjeseca dostavljeni Državnom tužilaštvu BiH na ocjenu, s tim što će se prilikom popunjavanja ovih tabela na dan 01.04.2005. godine prikazati ukupan broj tih predmeta koji su u prethodnom tromjesečju dostavljeni na ocjenu Tužilaštvu BiH.

U rubrici broj: 8 treba prikazati broj predmeta koji su, nakon ocjene, vraćeni od strane Državnog tužilaštva. I ovdje će se, kao i u prethodnoj rubrici prikazati broj tih predmeta vraćenih do 01.04.2005. godine.

4. U tabelu označenu kao RZ-3 – Podaci o broju osoba prema standardnim oznakama za koje je data saglasnost Ureda tužioca pri MSRZ u Hagu i o broju izrečenih presuda unose se podaci na sljedeći način:

- U rubrikama: 1,2,3,4,5,6 i 7 iskazuje se broj osoba za koje je data saglasnost Ureda tužioca pri MSRZ u Hagu, a prema datim standardnim oznakama;
- U rubrici broj: 8 iskazuje se zbir prethodnih rubrika 1-7;
- U rubrikama 9-15 iskazuje se broj izrečenih presuda, broj osoba na koje se presude odnose, broj žalbi, ukoliko ih je bilo, broj prvosnažnih presuda te vrste presuda.

5. Kantonalna tužilaštva – tužiteljstva dužna su prednje tabele sa traženim podacima, dostavljati redovno do 5.-tog u mjesecu.

6. Obzirom da će Federalno tužilaštvo – Federalno tužiteljstvo nakon prikupljenih podataka od svih kantonalnih tužilaštava – tužiteljstava sačinjavati zbirnu tabelu RZ-4 koju će dostavljati Tužilaštvu – Tužiteljstvu Bosne i Hercegovine pripremljeni podaci moraju biti tačni, jasni i podobni za konačnu obradu, te usaglašavani sa podacima dostavljenim za raniji period.

7. Sa ovim uputstvom glavni kantonalni tužioci upoznat će tužioce i upisničare koji rade na predmetima iz ove oblasti.

Ovo uputstvo stupa na snagu 01. aprila 2005. godine.

GLAVNI FEDERALNI TUŽILAC

Zdravko Knežević